



পঞ্চম অধ্যায়

দূর হতে আহ্বান করা প্রসঙ্গে

বেহেস্তী জেওর :

كسى كور سے پكارنا اور يه سمجھنا كه اسكو خبر

ہوگى (شرك و كفر ہے *

অর্থঃ “কাউকে দূর থেকে আহ্বান করা এবং তিনি অবগত হয়েছেন বলে বিশ্বাস করা কুফর ও শিরক” (১ম খন্ড-৩৯ পৃষ্ঠা)

ভুল খন্ডন ও সংশোধন :

এত সংক্ষেপ করার কি প্রয়োজন ছিল? খোলাখোলিভাবেই তো লিখে দিতে পারতেন যে, আউলিয়ায়ে কেরামকে ডাকা, ইয়া আলী অথবা ইয়া শেখ আবদুল কাদের জিলানী বলে ডাকা অথবা ইয়া রাসুল্লাহ বলে নবী করিম (দঃ) কে সম্বোধন করা কুফর ও শিরক? যেমন অন্যান্য ওহাবী আলেমগণ পরিষ্কার ভাষায় লিখেছেন এবং আহ্লে সুন্নাত ওয়াল জামায়াতের ওলামাগণ তা খন্ডন করে দিয়েছেন। তাঁরা বলেছেনঃ “আউলিয়ায়ে কেরামকে ডাকা, ইয়া আলী, ইয়া শেখ আবদুল কাদের জিলানী, ইয়া রাসুল্লাহ ইত্যাদি বলে ডাকা- শিরক ও কুফর তো দূরের কথা, হারাম ও গুনাহও নহে। নিঃশন্দেহে ঐরূপ বলা যায়। বিভিন্ন হাদীস ও উলামায়ে কেরামের ফতোয়া অনুযায়ী ঐরূপ ডাকার প্রমাণ বিদ্যমান। প্রমাণ নিম্নে প্রদত্ত হলোঃ

১নং দলীলঃ

হাদীসঃ নবী করিম সাল্লাল্লাহু আলাইহে ওয়া সাল্লাম এরশাদ করেছেনঃ

اِذَا ضَلَّ أَحَدُكُمْ شَيْئًا وَارَادَ عَوْنًا وَهُوَ بَارِضٌ لَيْسَ هُنَا
أَنْيَسُ فَلْيَقُلْ يَا عِبَادَ اللَّهِ أَعِينُونِي يَا عِبَادَ اللَّهِ أَعِينُونِي فَإِنَّ
لِلَّهِ عِبَادًا لَا يَرَاهُمْ رَوَاهُ الطَّبْرَانِيُّ عَنْ عْتَبَةَ بْنِ غَزَّوَانَ رَضِيَ
اللَّهُ تَعَالَى عَنْهُ *

অর্থঃ “যখন তোমাদের কারও কোন জিনিস হারিয়ে যায় এবং সে এমন জায়গায় অবস্থান করে যেখানে কোন সাহায্যকারী ও সহযোগী না থাকে অথচ সাহায্যের



প্রয়োজন দেখা দেয়, তখন সে যেন একথা বলে ডাকেঃ হে আল্লাহর (গোপন) বান্দাগণ! আমাকে সাহায্য করুন! হে আল্লাহর (গোপন) বান্দাগণ! আমাকে সাহায্য করুন! কেননা, আল্লাহর এমন কিছু বান্দা আছেন- যাঁকে সে দেখেনা।” (তাবরানী-হযরত উৎবা ইবনে গাজওয়ান (রাঃ) সূত্রে বর্ণিত)। সে গোপন বান্দা হচ্ছেন রিজালুল গায়ব বা গোপন অলী। তিনি হারানো বস্তু প্রাপ্তিতে সাহায্য করে থাকেন।

২নং দলীলঃ

হাদীসঃ অন্য বর্ণনামতে নবী করিম (দঃ) বলেছেন ঃ “যখন কারও কোন পশু জঙ্গলে বা বিরান ভূমিতে হারিয়ে যায়, তখন সে যেন এ কথা বলে সাহায্য চায় ঃ হে আল্লাহর গোপন বান্দাগণ! উহাকে আটক করুন! হে আল্লাহর গোপন বান্দাগণ! উহাকে আটকিয়ে রাখুন!” আল্লাহর বান্দাগণ উহাকে আটক করে দেবেন। (ইবনুস সুন্নী-হযরত আবদুল্লাহ ইবনে মাসউদ (রাঃ) এর সূত্রে)।

দেখুন! স্বয়ং নবী করিম (দঃ) অলীগণকে ডাকার জন্য তালীম দিচ্ছেন এবং সাহায্য প্রার্থনার জন্য উৎসাহ দিচ্ছেন এবং এও বলে দিচ্ছেন যে, এ ডাক ঐ গোপন বান্দা শুনেই এবং সাহায্য করেন। অথচ বেহেস্তী জেওরের মতে উহা শিরক ও কুফর? (রাসুল (দঃ) কি শিরক শিক্ষা দিতে পারেন? কখনই নয়-অনুবাদক)।

৩নং দলীলঃ ফতোয়াঃ

সৈয়দ জামাল মক্কী কুদ্দিছা ছিরকছ নিজ ফতোয়া গ্রন্থে লিখেনঃ

”سَلِّتْ عَمَّنْ يَقُولُ فِي الشَّدَائِدِ يَا رَسُولَ اللَّهِ أَوْ يَا عَلِيَّ أَوْ
يَا شَيْخَ عَبْدِ الْقَادِرِ مَثَلًا هَلْ هُوَ جَائِزٌ شَرْعًا أَمْ لَا؟ - فَاجِبْتُ
نَعَمْ الْإِسْتِعَانَةُ بِالْأَوْلِيَاءِ وَنِدَاءُهُمْ وَالتَّوَسُّلُ بِهِمْ أَمْرٌ مَشْرُوعٌ
وَشَيْءٌ مَّرْغُوبٌ لَا يُنْكِرُهُ إِلَّا مَكَابِرٌ أَوْ مُعَانِدٌ وَقَدْ حُرِّمَ بَرَكَةٌ
الْأَوْلِيَاءِ الْكِرَامِ الْخ” *

অর্থ ঃ “আমাকে প্রশ্ন করা হয়েছে- কেউ বিপদে পড়ে সাহায্যার্থে ইয়া রাসুলান্নাহ অথবা ইয়া আলী অথবা ইয়া শেখ আবদুল কাদের অথবা অনুরূপ নাম ধরে কাউকে ডাকা শরীয়ত মতে যায়েজ আছে কিনা? আমি (জামাল মক্কী) জবাবে ফতোয়া দিয়েছিঃ হাঁ! যায়েজ আছে। আউলিয়ায়ে কেরামের নিকট সাহায্য প্রার্থনা করা, তাঁদেরকে ডাক দেয়া, তাঁদের উছিলা ধরে আল্লাহর নিকট কিছু চাওয়া- শুধু শরীয়ত সম্মত কাজই নয়;

বরং উত্তম কাজ। কোন অহঙ্কারী বা হিংসাকারী ব্যক্তি কেউ এটাকে অস্বীকার করেন। সে অবশ্যই আউলিয়ায়ে কেরামের বরকত লাভে বঞ্চিত।” (ফতোয়ায়ে সাইয়েদ জামাল মককী)

৪নং দলীলঃ ফতোয়া

ইমাম সিহাব রমলী (রহঃ) নিজ ফতোয়া গ্রন্থে লিখেনঃ

سُئِلَ بِمَا يَقَعُ مِنَ الْعَامَةِ مِنْ قَوْلِهِمْ عِنْدَ الشَّدَائِدِ يَا شَيْخُ
فَلَانُ وَنَحْوُ ذَلِكَ مِنَ الْأَسْتِغَاثَةِ بِالْأَنْبِيَاءِ وَالْمُرْسَلِينَ وَالصَّالِحِينَ
وَهَلْ لِلْمَشَايخِ إِغَاثَةٌ بَعْدَ مَوْتِهِمْ أَمْ لَا * فَاجَابَ أَنَّ الْأَسْتِغَاثَةَ
بِالْأَنْبِيَاءِ وَالْمُرْسَلِينَ وَالْأَوْلِيَاءِ وَالْعُلَمَاءِ الصَّالِحِينَ جَائِزَةٌ
وَلِلْمَشَايخِ وَالْمُرْسَلِينَ وَالْأَوْلِيَاءِ وَالصَّالِحِينَ إِغَاثَةٌ بَعْدَ مَوْتِهِمْ الْخ

অর্থ : “শেখ সিহাব রমলী (রহঃ) কে প্রশ্ন করা হয়েছিল- জনসাধারণের মধ্যে প্রচলিত নিয়মানুযায়ী বিপদ আপদকালে তারা- “হে অমুক শেখ” বলে এবং বুজুর্গ লোকদেরকে নাম নিয়ে ডাকে এবং নবী, রাসুল ও নেককার বান্দাদের নিকট ফরিয়াদ পেশ করে থাকে। শরীয়ত মোতাবেক এ কাজ যাজেজ আছে কিনা? অলী আল্লাহগণ ইনতিকালের পরেও সাহায্য করতে পারেন কিনা? এর উত্তরে ইমাম শেখ শিহাব রমলী বলেনঃ “নিশ্চয়ই নবী, রাসুল, অলী- আল্লাহ ও নেককার বান্দাদের নিকট তাঁদের ইনতিকালের পরেও ফরিয়াদ করা যাজেজ এবং ইনতিকালের পরেও তাঁরা সাহায্য করতে পারেন।”

৫নং দলীলঃ ফতোয়াঃ

আল্লামা খাইরুদ্দিন রমলী (রহঃ) ফতোয়ায়ে রমলীতে বলেনঃ

”قَوْلُهُمْ يَا شَيْخُ عَبْدُ الْقَادِرِ نِدَاءٌ * فَمَا الْمَوْجِبُ بِحَرْمَتِهِ *

অর্থ : “ইয়া শেখ আবদুল কাদের-বলার অর্থ হচ্ছে তাঁকে ডাকা এবং সাহায্য প্রার্থনা করা। ইহা হারাম হওয়ার কি কারণ থাকতে পারে?”

৬নং দলীলঃ ফতোয়াঃ

শাহ ওয়ালিউল্লাহ মোহাদ্দেস দেহলভী (রহঃ)-এর লিখিত আল-ইন্তিবাহ্ ফি সালাসিলে আউলিয়া গ্রন্থে লিখিত আছে :

-ইয়া সাইয়েদী মুহাম্মদ ইয়া গামারী! ঐ পথেই ইবনে আমর নামক জনৈক ব্যক্তিকে হাকিমের নির্দেশে শ্রেফতার করে জেলখানার দিকে নিয়ে যাওয়া হচ্ছিল। উক্ত কয়েদী তাকে জিজ্ঞাসা করলো- মুহাম্মদ গামারী -কে ইনি? উক্ত মুরীদ বললেন-ইনি আমার পীর। একথা শুনে কয়েদী ব্যক্তি বলে উঠলোঃ

يَا سَيِّدِي مُحَمَّدُ يَا غَمْرِي لَا حِظْنِي

অর্থাৎ হে সাইয়েদ মুহাম্মদ গামারী, আপনি আমার প্রতিও কৃপা দৃষ্টি করুন। একথা বলতে না বলতেই সাইয়েদ মুহাম্মদ গামারী (রহঃ) উক্ত কয়েদীর সামনে হাজির হলেন। বাদশাহ এবং তার পুলিশ বাহিনীর জীবনাশংকা দেখা দিল। তারা উক্ত কয়েদীকে উল্টা উপটোকন দিয়ে ছেড়ে দিলেন। (বাহ্জাতুল আস্রার)

৯নং দলীলঃ রেওয়াজাতঃ

বিখ্যাত অলী হযরত মুসা ইবনে ইমরান (রহঃ) সম্পর্কে উক্ত বাহ্জাতুল আস্রার গ্রন্থে উল্লেখ রয়েছেঃ

"كَانَ إِذَا نَادَاهُ مُرِيدُهُ أَجَابَهُ مِنْ مَسِيرَةِ سَنَةٍ وَأَكْثَرَ"

অর্থঃ “যখন তাঁর (মুসা) কোন মুরিদ তাঁকে সম্বোধন করে ডাক দিতেন, তখন তিনি এক বৎসরের দূরের রাস্তা অথবা তার চেয়েও বেশী দূরত্ব থেকে তাঁর মুরিদকে জওয়াব দিতেন।” (সুবহানাল্লাহ! এত দূরত্ব থেকেও আল্লাহর অলীগণ শুনেন ও জওয়াব দেন)

১০নং দলীলঃ

শাহ আবদুল আজিজ দেহলভী (রহঃ)এর বোস্তানুল মোহাদ্দেসীন গ্রন্থে আছেঃ

“হযরত আহমদ রাজুক (রহঃ) বলেনঃ আমি আপন মুরিদগণের পেরেশানী দূর করি- যখন তারা যুগের চক্রান্তে পড়ে যায়। যদি তুমি বিপদে বা কঠিন অবস্থায় পতিত হও, তাহলে বলবেঃ

"نَادِيهِ يَارَزُوقُ أَتِ بِسُرْعَتِهِ *"

অর্থঃ “হে রাজুক -বলে তুমি আহবান করবে। আমি তৎক্ষণাৎ এসে হাজির হবো।”

১১নং দলীলঃ বর্ণনাঃ

আল্লামা শামী রদ্দুল মোহতার গ্রন্থে লিখেনঃ

“যার কোন জিনিস হারিয়ে যায়, সে উঁচু জায়গায় দাঁড়িয়ে হযরত আহমদ ইবনে উলওয়ান (রহঃ) এর নামে ফাতেহা পাঠ করে তাঁকে উদ্দেশ্য করে এভাবে ডাক দিবেঃ

يَا سَيِّدِي أَحْمَدُ بْنُ عُلْوَانَ *

ইয়া সাইয়েদী আহমদ ইবনে উলওয়ান।

১২নং দলীলঃ ঘটনাঃ

“হযরত সামসুদ্দিন মুহাম্মদ হান্ফী (রহঃ)-এর এক মুরিদকে এক চোর হত্যা করার ইচ্ছা করলো। মুরিদ তৎক্ষণাৎ ‘ইয়া সাইয়েদী মুহাম্মদ ইয়া হান্ফী’ বলে নিজ পীরকে উদ্দেশ্য করে ডাক দিলেন। হঠাৎ একটি কোদাল বা শাবল এসে উক্ত চোরের বুকে আঘাত করলো। চোর শাবলের আঘাতে বেহঁশ হয়ে মাটিতে পড়ে গেল এবং উক্ত মুরিদ সহি সালামতে বাড়ী ফিরলেন।”

১৩নং দলীলঃ ঘটনাঃ

“উপরোক্ত অলী হযরত সামসুদ্দিন মুহাম্মদ হান্ফী (রহঃ)-এর স্ত্রী কঠিন রোগে আক্রান্ত হয়ে মৃত্যুর মুখোমুখী হলেন। নেক বিবি এক বিখ্যাত অলী হযরত সাইয়েদ আহমদ বাদাভী (রহঃ)-এর নাম স্মরণ করে তাঁর উদ্দেশ্যে এভাবে ডাক দিলেনঃ

يَا سَيِّدِي أَحْمَدُ بَدَوِيَّ خَاطِرِكَ مَعِي *

অর্থঃ “হে সাইয়েদ আহমদ বাদাভী! আপনার অন্তর (দৃষ্টি) আমার প্রতি হোক।”

একদিন উক্ত বিবি স্বপ্নে দেখেন- হযরত সাইয়েদ আহমদ বাদাভী (রহঃ) তাঁকে বলছেনঃ তুমি একজন উঁচু স্তরের অলী আব্বাহর আশ্রয়ে রয়েছো। বড় ধরনের অলীদের আশ্রয়ে যারা থাকেন, আমরা তাদের ডাকে সাড়া দেইনা। তুমি তোমার স্বামী হযরত সাইয়েদ মুহাম্মদ হান্ফীর নাম ধরে সাহায্য প্রার্থনা করো। তা হলে তোমার রোগ আরোগ্য হয়ে যাবে। স্বপ্নে দেখে বিবি ‘ইয়া সাইয়েদী মুহাম্মদ ইয়া হান্ফী’ বলে স্বামীকে উদ্দেশ্য করে ডাক দিলেন। সকাল বেলা ঘুম থেকে জেগে দেখেন- তাঁর অসুখ ভাল হয়ে গেছে।”

১৪নং দলীলঃ ঘটনাঃ

“হযরত মাদইয়ান ইবনে আহমদ (রহঃ)-এর জনৈক মুরিদদের মেয়েকে এক বদমাইশ লোক জনমানবহীন জায়গায় ঘেরাও করলো। পিতার পীরের নাম মেয়েটির জানা ছিল। তাই সে এভাবে পীরকে উদ্দেশ্য করে ডাক দিলঃ

يَا شَيْخُ أَبِي لَاحِظْنِي

অর্থঃ “হে আমার পিতার পীর! আপনি আমার প্রতি কৃপা দৃষ্টি করুন”। একথা বলতেই একটি অদৃশ্য শাবল এসে ঐ বদ লোকটির বুক লাগলো। এতে ঐ মেয়েটির ইচ্ছত রক্ষা হলো”। (বাহ্জাতুল আস্রার)।

মোট কথাঃ আউলিয়ায় কোরামকে উদ্দেশ্য করে সাহায্যার্থে ডাকা প্রতি যুগেই প্রচলিত ছিল এবং কেয়ামত পর্যন্ত থাকবে। খোদার নবীর অভিশপ্ত ওহাবী সম্প্রদায় শত ইচ্ছা করলেও তা রোধ করতে পারবেনা। -তারা একাজকে হারাম বলুক আর কুফর ও

শিরকই বলুক না কেন। আল্লাহর প্রিয় বান্দা ও রাসুল মকবুল (দঃ)-এর উম্মতের যদি এই শান ও মর্যাদা হয়, তাহলে নবী করিম (দঃ)-এর শান ও মান কত উচ্চ হবে- তা কল্পনাতিত ব্যাপার। অলী আল্লাহগণকে উদ্দেশ্য করে ডাক দেয়া যদি যায়েজ হয়, তাহলে 'ইয়া রাসুলান্নাহ' বলে হুজুরকে সম্বোধন করার বৈধতা সম্পর্কে কোন প্রশ্নই উঠতে পারে না। বরং নবী করিম (দঃ) স্বয়ং তাঁকে সম্বোধন করার শিক্ষা আমাদের জন্য রেখে গেছেন। যথা :

১৫নং দলীলঃ হাদীসঃ

ইমাম তিরমিজি, নাসায়ী, ইবনে মাজা, হাকিম প্রমুখাত প্রথম সারির মোহাদ্দেসীন কেলাম হযরত ওসমান ইবনে হানিফ (রাঃ) থেকে বর্ণনা করেছেন যে, এক অন্ধ সাহাবীকে তিনি নামাজের পর নিম্নোক্ত দোয়া করতে নির্দেশ দিয়েছেন :

اللَّهُمَّ إِنِّي أَسْأَلُكَ وَأَتَوَجَّهُ إِلَيْكَ بِنَبِيِّكَ مُحَمَّدٍ نَبِيِّ الرَّحْمَةِ
* يَا مُحَمَّدُ إِنِّي أَتَوَجَّهُ بِكَ إِلَى رَبِّي فِي حَاجَتِي هَذِهِ لِتُقْضَى
لِي * اللَّهُمَّ تَشَفَّعْ فِيَّ "

অর্থঃ “হে আল্লাহ! আমি তোমার নিকট প্রার্থনা করছি। আর তোমার প্রিয় নবীর উছিলা ধরে তোমার দিকে মুখ করছি-যিনি রহমতের নবী। হে মুহাম্মদ রাসুল (দঃ)! আমি আপনাকে মাধ্যম করে আমার প্রতিপালকের দিকে মুখ ফিরাচ্ছি- আমার এই হাজত পূর্ণ হওয়ার জন্য। হে আল্লাহ! আমার ক্ষেত্রে তোমার প্রিয় হাবীবের সুপারিশ কবুল করো।”

(উক্ত হাদীসে রাসুল করিম (দঃ) কে সম্বোধন করার উল্লেখ আছে। হুজুর (দঃ) এর ইনতিকালের পরেও সাহাবাগণ তা আমল করতেন এবং অদ্যাবধি তা চালু আছে।)

১৬নং দলীলঃ রেওয়ায়াতঃ

তিবরানী শরীফে হুজুর (দঃ)-এর ইনতিকালের পর উপরোক্ত দোয়া পাঠের প্রমাণঃ

অনুবাদঃ “হযরত ওসমান (রাঃ)-এর খেলাফতকালে (২৩-৩৫ হিঃ) জনৈক অভাবী লোক তার খেদমতে আসা যাওয়া করতো। কিন্তু হযরত ওসমান (রাঃ) তাঁর দিকে মনোযোগ দিতেন না এবং তাঁর অভাবও পূরণ করতেন না। ঐ ব্যক্তি অন্য এক সাহাবী হযরত ওসমান ইবনে হানিফ (রাঃ)-এর নিকট এ ব্যাপারটি জানালেন। হযরত ওসমান ইবনে হানিফ (রাঃ) ঐ লোকটিকে ১৫ নম্বরে বর্ণিত দোয়াটি মসজিদে গিয়ে দু'রাক্‌আত নফল নামাজ আদায়ান্তে পাঠ করতে বললেন। তিনি তাই করলেন এবং রাসুল করিম (দঃ) কে সম্বোধন করে তাঁর মাধ্যমে আল্লাহর কাছে নিজ অভাবের কথা পেশ করলেন। এরপর দরবারে খেলাফতে হযরত ওসমান গনি (রাঃ)-এর খেদমতে হাজির হলেন।

দারোয়ান এসে তাঁকে হাত ধরে সম্মানের সাথে হযরত ওসমান (রাঃ)এর দরবারে নিয়ে গেলেন। হযরত ওসমান (রাঃ) এবার তাঁকে সসম্মানে নিজ পার্শ্বে বসালেন। তাঁর আগমনের উদ্দেশ্যে জিজ্ঞাসা করলেন এবং ঘটনা শুনলেন। ঘটনা শুনে তৎক্ষণাৎ তাঁর অভাব পূরণ করে দিলেন। তিনি এও বললেন, এতদিন পর তুমি আমাকে অভাবের কথা জানালে। যখনই কোন প্রয়োজন হয়- তৎক্ষণাৎ এসে আমাকে জানাইও।” সুবহানাল্লাহ! হুজুর (দঃ)-এর ইনতিকালের পরেও তাঁকে উদ্দেশ্য করে সাহায্য চাইলে এভাবেই গায়েবী মদদ হয়ে থাকে।

১৭নং দলীলঃ রেওয়াজ ও ঘটনাঃ

ইমাম বুখারী (রহঃ) তাঁর “আদব” গ্রন্থে এবং ইমাম ইব্নুস সুন্নী তাঁর গ্রন্থ “আমালুল ইয়াওমে ওয়াল লাইলাতি” -তে নিম্নোক্ত ঘটনা বর্ণনা করেছেনঃ

“হযরত আবদুল্লাহ ইবনে ওমর (রাঃ)-এর পা অবশ (প্যারালিসিস) হয়ে গিয়েছিল। তাঁকে কেউ বললেনঃ আপনার অতি প্রিয় ব্যক্তিকে স্মরণ করুন। ইবনে ওমর (রাঃ) নবী করিম (দঃ)কে স্মরণ করলেন এবং **يَا مُحَمَّدَاهُ** -ইয়া মুহাম্মাদাহ বলে হুজুর (দঃ)কে উদ্দেশ্য করে ডাক দিলেন। সাথে সাথে তাঁর অবশ পা সুস্থ হয়ে গেল।”

১৮নং দলীলঃ দ্বিতীয় ঘটনাঃ

মুসলিম শরীফের ব্যাখ্যাকার ইমাম নবভী (রহঃ) “কিতাবুল আজকার” নামক গ্রন্থে অনুরূপ আর একটি ঘটনা লিখেছেনঃ “হযরত আবদুল্লাহ ইবনে আব্বাস (রাঃ)-এর পা অবশ হয়ে গিয়েছিল। তিনি **يَا مُحَمَّدَاهُ** ইয়া মুহাম্মাদাহ বলে হুজুর (দঃ) কে উদ্দেশ্য করে ডাক দেন। সাথে সাথে তাঁর রোগ ভাল হয়ে যায়।”

১৯নং দলীলঃ

মদিনাবাসীগণ প্রাচীনকাল থেকেই **يَا مُحَمَّدَاهُ** শ্লোগান দেয়ার প্রথা চালু করেছেন। প্রমাণস্বরূপ আল্লামা ইবনে কাসিরের (৭৭৪ হিঃ) বিখ্যাত গ্রন্থ “আল বিদায়া ওয়ান নিহায়া” ৬ষ্ঠ খন্ড ৩২৩ পৃষ্ঠায় ইয়ামামার যুদ্ধ অধ্যায়ে বর্ণিত আছেঃ “ত্রিশ হাজার সাহাবী নিয়ে হযরত খালেদ ইবনে ওয়ালিদ (রাঃ) ১১ হিজরীতে খলিফা আবু বকর সিদ্দিক (রাঃ)-এর নির্দেশে ইসলাম ত্যাগী নবুয়্যাতের ভণ্ড দাবীদার মুরতাদ মোসায়লামা কাজজাব-এর বিরুদ্ধে জোহাদের সময় সমস্বরে **يَا مُحَمَّدَاهُ** বলে না'রা দিয়েছিলেন। আল্লামা ইবনে কাসিরের এবারত নিম্নরূপঃ

فَقَالَ خَالِدُ بْنُ الْوَلِيدِ أَنَا ابْنُ الْوَلِيدِ الْعُودُ أَنَا ابْنُ زَيْدٍ
وَعَامِرٌ ثُمَّ نَادَى بِشَعَارِ الْمُسْلِمِينَ وَكَانَ شِعَارَهُمْ يَوْمَئِذٍ
يَا مُحَمَّدَاهُ " (الْبِدَايَةُ وَالنَّهَائَةُ ج ٦ صفة ٣٢٣)

অর্থঃ “হযরত খালেদ (রাঃ) যুদ্ধের ময়দানে শত্রুর উদ্দেশ্যে হাঁক দিয়ে বললেনঃ আমি ওয়ালিদের পুত্র খালেদ! আমি যায়েদ ও আমেরের বংশধর। একথা বলেই তিনি মুসলমানদের প্রতীক চিহ্ন দ্বারা শ্লোগান তোলেন। ঐ যামানায় (১১ হিজরী) মুসলমানদের বিশেষ ধর্মীয় প্রতীক চিহ্ন ছিল **يَا مُحَمَّدًا** বলে না'রা লাগানো।”
- (আল্লামা ইবনে কাসিরের- বেদায়া ও নেহায়া ৬ষ্ঠ খন্ড পৃষ্ঠা ৩২৩)।

ইবনে কাসিরের এই বর্ণনাটি বর্তমান যুগের প্রেক্ষাপটে খুবই গুরুত্বপূর্ণ এবং ওহাবী সম্প্রদায়ের দাঁতভাঙ্গা জবাব। তারা বলেঃ নারায়ে রিসালাত-ইয়া রাসুল্লাহ বলা শিরক ও হারাম। অথচ আল্লামা ইবনে কাসির প্রমাণ করলেন- ১১ হিজরীতে সাহাবায়ে কেরামের যুগেই উক্ত শ্লোগান মুসলমানদের প্রতীক চিহ্ন হিসাবে ব্যবহৃত হতো। সাহাবাগণের আমলকে হারাম বা না যায়েজ বলা গোমরাহী ও কুফরীর শামিল। বিশেষ করে ত্রিশ হাজার সাহাবীর সম্মিলিত আমলকে এন্কার করা জঘন্য অপরাধ হিসাবে গণ্য- (অনুবাদক)। না'রায়ে রিসালাত পন্থী মুসলমানগণ এই দলীলটি খুব মনোযোগ দিয়ে শিখে নেবেন। ইয়া মুহাম্মাদাহ, ইয়া রাসুল্লাহ একই অর্থবহ।

২০নং দলীলঃ রেওয়াজাতঃ

আল্লামা খাফাজী (রহঃ)-এর “নাসিমুর রিয়াজ” গ্রন্থে আছেঃ

هَذَا مِمَّا تَعَاهَدَهُ أَهْلُ الْمَدِينَةِ

অর্থঃ “ইয়া মুহাম্মাদাহ! ইয়া রাসুল্লাহ- বলে নবী করিম (দঃ) কে ডাকা মদিনাবাসীগণের অভ্যাস ও প্রতীক চিহ্ন হিসাবে গণ্য হতো।”

সার কথাঃ

নবী করিম (দঃ)-এর হাদীসের দ্বারা তাঁকে ‘ইয়া মুহাম্মদ (দঃ) বলে সম্বোধন করা, তাঁর ইনতিকালের পর হযরত ওসমান এবনে হানিফ (রাঃ) কর্তৃক অন্য একজনকে উক্ত দোয়া আমল করানো, ইবনে ওমর ও ইবনে আব্বাস (রাঃ) কর্তৃক ‘ইয়া মুহাম্মদাহ’ বলে সাহায্য প্রার্থনা করা, ত্রিশ হাজার সাহাবী নিয়ে হযরত খালেদ বিদেশের মাটি থেকে ‘ইয়া মুহাম্মদাহ বলে সাহায্য চাওয়া, অন্যান্য বর্ণনা মোতাবেক অলীগণকে দূর থেকে আহ্বান করা -ইত্যাদি দ্বারা পরিষ্কার ভাবে ইয়া রাসুল্লাহ, ইয়া আলী, ইয়া শেখ আবদুল কাদের জ্বিলানী বলা যায়েজ ও উত্তম বলে প্রমাণিত হওয়ার পরও ওহাবী সম্প্রদায় কিভাবে এটাকে শিরক ও কুফর বলছে? যেমন বেহেস্তী জেওর। পাঁচ ওয়াক্ত নামাজে “আসসালামু আলাইকা আইউহান্ নাবীউ” বলে সম্বোধন করা বৈধ হল কিভাবে? বেহেস্তী জেওরের প্রণেতাকে এর জবাব দিতে হবে।



২১নং দলীলঃ

হযরত খাজা মঈন উদ্দিন হাসান সাঞ্জারী (রহঃ) বলেনঃ

" كَبِعَهُ دَلَّ قَبْلَهُ جَانِ يَارَسُولَ اللَّهِ تَوْنِي - سَجْدُهُ مَسْكِينِ "

حسن بر لحظه باداسوے تو" (البصائر للعلام حمد الله

(الداجوی)

অর্থঃ "ইয়া রাসুলাল্লাহ (দঃ)! আপনি আমার অন্তরের কা'বা এবং প্রাণের কেবলা। মিস্কিন হাসান সর্বদা আপনার দিকেই মনকে সেজদানত রাখে।" - (আল-বাসায়ের)। পৃষ্ঠা-৭৭

২২নং দলীলঃ

আশরাফ আলী থানবী সাহেবের পীর হাজী এমদাদুল্লাহ মোহাজির মককী বলেনঃ

"خیال ما سوادل سے متادو یار رسول الله - حجاب ظلمت

بشری ائها دو یار رسول الله"

অর্থঃ "হে আল্লাহর রাসুল! আমার অন্তরের মধ্য হতে অন্যের খেয়াল দূর করে দিন! ইয়া রাসুলাল্লাহ! মানবীয় অন্ধকারের পর্দাটি আপনি অপসারণ করে দিন।" (ইমদাদুল মোস্তাক)।

সুবহানাল্লাহ! খাজা গরীব নওয়াজ (রহঃ) আজমীর শরীফ থেকে নবীজীকে সম্বোধন করে নিবেদন করছেন। আর থানবী সাহেবের পীর কেবলা হিন্দুস্তান থেকে নবীজীকে শুধু ডাকই দেননি; বরং এমন জিনিসের প্রার্থনা করছেন যা খোদার ক্ষমতার এখতিয়ারভুক্ত। থানবী সাহেব নিজ পীর সম্বন্ধে কি বলবেন?

২৩নং দলীলঃ

৬১ হিজরী সনে দামেস্কে এজিদের বন্দীশালায় আবদু ইমাম জয়নুল আবেদীন (রাঃ) কর্তৃক ইয়া রাহ্মাতুল্লিল আলামীন - বলে নবীজীর কাছে সাহায্য প্রার্থনাঃ

"يَا رَحْمَةً لِلْعَالَمِينَ أَدْرِكْ لِرِزَيْنِ الْعَابِدِينَ + مَحْبُوسُ أَيْدِي

الظَّالِمِينَ فِي مَوْكَبٍ وَمَزْدَحِمٍ*



ইসলাহে বেহেস্তী জেওর ৩২

অর্থঃ “হে রাহ্মাতুল্লিল আলামীন (দঃ)! আপনি অধম জয়নুল আবেদীনকে সাহায্য করে উদ্ধার করুন। কেননা আমি জালেমদের হাতে বন্দী রয়েছি এবং অতি দুঃখ-কষ্ট আর সংকীর্ণতার মধ্যে বসবাস করছি।” (আল-বাসায়ের পৃষ্ঠা ৩৭)।

মন্তব্য : কোথায় মদিনা মোনাওয়ারা আর কোথায় দামেস্কে এজিদের বন্দীশালা! হুজুরের ইনতিকালের ৫০ বৎসর পর দামেস্ক হতে হুজুর (দঃ)-এরই বংশধর ইমাম জয়নুল আবেদীনের (রাঃ) উক্ত ফরিয়াদ। খানবী সাহেবের ফতোয়া মতে ইমাম জয়নুল আবেদীন (রাঃ) কি হয়ে যাচ্ছেন? (নাউজুবিল্লাহ!) নবীবংশের ইমামগণের কথা ও কাজ হচ্ছে ইসলামের দলীল। এর বিরুদ্ধাচারণ হচ্ছে ইয়াজিদী কাজ! আল্লাহ আমাদেরকে নবী বংশের শত্রু থেকে পানাহ দিন এবং তাদের প্রতারণামূলক ধোকাবাজি থেকে সতর্ক রাখুন! আমীন!

(বিঃ দ্রঃ পাঠকের সহজে হৃদয়গ্রাহী হওয়ার উদ্দেশ্যে ২০, ২১, ২২ ও ২৩ নং দলীল চারখানা অনুবাদকের নিজস্ব সংগ্রহ)।

www.sunnibarta.com